

永順縣志

地 270.257
38
: 2

共計
八冊



學校志

夫才不擇地而生惟教化不可少耳縣屬當學校初立時設教布化風會日開邇者登賢書膺館選勃興繼起文治殆有由昌與昔人以教化育人才今日卽以人才徵教化志學校

學宮

書院

試院

學額

義學

教正東

蓋自三才建而天地不居其功一中傳而聖人代宣其蘊有行道之聖得位以綏猷有明道之聖立言以垂憲此正學所以常明人心所以不泯也粵稽往緒仰溯前徽堯舜禹湯文武達而在上兼君師之寄行道之聖人也孔子不得位窮而在下秉刪述之權明道之聖人也行道者勲業爛於一朝明道者教思周於百世堯舜禹湯文武之後不有孔子則學術紛淆仁義湮沒斯道之失傳也久矣後之人而欲探二帝三王之心法以爲治國平天下之準其奚所取衷焉然則孔子之爲萬古一人也審矣朕巡省東國謁祀

闕里景企滋深敬摘毫而爲之贊曰清濁有氣剛柔有質聖人參之人極以立行著習察舍道莫由惟皇建極惟后綏猷作君作師垂統萬古曰惟堯舜禹湯文武五百餘歲至聖挺生聲金振玉集厥大成序書刪詩定禮正樂旣窮象繫亦嚴筆削上紹往緒下示來型道終不廢秩然大經百家紛紜殊途異趣日月無踰羹牆可晤孔子之道惟中與庸此心此理千聖所同孔子之德仁義中正秉彝之好根乎天性庶幾夙夜勗哉令圖湖源洙泗景躡唐虞載歷庭除式觀禮器摘毫仰贊心焉遐企百世而上以聖爲歸百世而下以聖爲師非師夫子爲師於道統天御世惟道

爲寶泰山巖巖東海泱泱牆高萬仞夫子之堂孰窺
其藩孰窺其徑道不遠人克念作聖

御製四大賢贊

顏子

聖道早聞天資獨粹約禮博文不遷不貳一善服膺
萬德來萃能化而齊其樂一致禮樂四代治法兼備
用舍行藏王佐之器

曾子

洙泗之傳魯以得之一貫曰唯聖學在茲明德新民
止善爲期格致誠正均平以推至德要道百行所基
纂承統緒修明訓辭

永順縣志

卷之二

學校志

大賢贊

三

子思子

於穆天命道之大原靜養動察庸德庸言以育萬物
以贊乾坤九經三重大法是存篤恭慎獨成德之門
卷之藏密擴之無垠

孟子

哲人旣萎楊墨昌熾子輿闢之曰仁曰義性善獨闡
知言養氣道稱堯舜學屏功利煌煌七篇並垂六藝
孔學攸傳禹功作配

學宮

學宮在城東北雍正十年知縣李瑾領帑建共費帑金一千三百一十九兩七錢三分五釐

大成殿 東廡 西廡

大成門 櫺星門 東黌門 西黌門

崇聖祠 名宦祠 鄉賢祠 明倫堂

樂器庫 文明坊 騰蛟起鳳坊

禮門義路坊 泮月池橋

乾隆二十四年辰沅永靖道藍欽奎嘉慶二十年知縣郭潛同治十二年知府魏式曾知縣唐賁先後重修謹案順治二年定

永順縣志

卷之二

學校志

學宮

四

大成至聖文宣先師孔子謚號九年頒

御製臥碑於學宮十四年改定謚號為

至聖先師孔子康熙二十三年頒

御書萬世師表匾額二十五年頒

御製孔子贊二十六年飭修禮制樂器擇俊秀習佾舞二十

八年頒

御製四大賢贊二十九年飭官民人等至學宮下馬四十一

年頒

御製訓飭士子文四十五年頒

御製平定朔漠告成太學碑文四十九年定春秋二丁武職

與祭五十一年升東廡宋朱熹於

大成殿十哲之次稱先賢朱子五十三年增祀宋
范仲淹於東廡稱先儒雍正元年頒

御書生民未有匾額追封

孔子五代王爵

五世祖木金父爲肇聖王

高祖祈父爲裕聖王

曾祖防叔爲詒聖王

祖伯夏爲昌聖王

父叔梁紇爲啟聖王改啟聖宮爲崇聖祠飭學宮於鄉賢
名宦節孝三祠外別建忠義孝悌祠建坊祠前勒奉
旌忠臣義士孝子悌弟姓名於其上二年定兩廡從祀位

永順縣志

卷之二

學校志

學宮

五

次復祀先賢周蘧瑗林放秦冉顏何先儒漢鄭康成
范甯增祀先賢周縣曹牧皮樂正子公都子萬章公
孫丑先儒漢~~諸~~亮宋尹燉魏了翁黃幹陳淳何基
王柏趙復元金履祥許謙陳澔明羅欽順蔡清
國朝陸隴其東廡首蘧瑗西廡首林放凡一百二十三
人又以宋儒張載之父迪配享崇聖祠三年頒

御製聖諭廣訓

御製明倫堂論

御定樂器圖冊四年

御孔子諱除四書五經外並加下作邱讀作期音惟

留丘字不避五年奉

上諭八月二十七日爲

至聖先師誕辰各官致齋不理刑名禁止屠宰著爲令
六年頒

御製平定青海告成太學碑文八年定府州縣衛學每學春
秋仲丁以文官最尊者主祭餘分獻有差若主祭官
因公出境委員恭代行禮又議舊例各直省督撫學
政照

欽差官行出使禮但省牲不與正祭謂之祭丙嗣後省會
皆令督撫學政率同司道以下官致祭若學政按試
各府卽於各府

文廟行禮概不祭丙乾隆元年頒

永順縣志

卷之二

學校志

學宮

六

御書與天地參匾額三年升先賢有子從祀東哲卜子位下
爲十二哲五年定樂用六佾設樂舞生四十人免府
縣試九年頒

欽定樂譜十二章十三年定十二哲及崇聖配位東西各少
牢一案每位一帛十四年頒

御製平定金川告成太學碑文二十年頒

御製平定準噶爾告成太學碑文二十四年頒

御製平定四部告成太學碑文四十
頒

御製平定兩金川告成太學碑文嘉慶四年頒

御書聖集大成匾額道光元年頒

御書聖協時中匾額咸豐元年頒

德齊懣載匾額同治元年頒

御書聖神天縱匾額其東西兩廡先賢先儒歷

朝皆有增祀至同治十年共一百四十二人位次悉奉

旨遷設謹將崇祀位次列後

大成殿

至聖先師孔子

東配

復聖顏子

名回字子淵魯人一統志墓在曲阜東二十里防山南漢永平十五年祀七十二弟子顏子位第一魏晉祀孔子均以顏子配唐貞觀二年以孔子為先聖顏子配饗歷朝因之宋大中祥符二年封妻戴氏兗國貞素夫人先賢先儒封爵俱詳祀典源流均不重錄

述聖子思子

名伋字子思墓在至聖林南宋大觀二年從祀端平二年升列哲位咸淳三年學校志四配七

永順縣志

饗配

西配

宗聖曾子

名參字子輿魯南武城人墓在嘉祥縣南武山一統志云在嘉祥縣南四十里又云沂州費縣唐總章元年配享開元八年從祀宋咸淳三年配饗

亞聖孟子

名軻字子輿一字子車鄒人墓在鄒縣宋景祐四年孔子道輔守兗州訪得之鄒縣東北二十里四基山之右齒譜都穆聽雨紀談云史記孟子列傳不書生卒年月予觀孟氏譜云孟子周安王十七年四月二日生即今二月二日赧王二十六年正月十五日卒即今之十一月十五日廢賀節之禮蓋有自來矣宋元豐七年配饗明洪武五年詔饗則部尚書錢唐抗疏又諫帝尋悟乃詔配饗如故

以上配位宋以前皆稱封爵元至順元年贈顏子兗

國復聖公曾子鄒國宗聖公子思子沂國述聖公孟

子鄒國亞聖公明嘉靖九年改稱復聖顏子宗聖曾

子述聖子思子亞聖孟子

國朝因之

東哲

先賢閔子

名損字子騫魯人墓在濟南府歷城縣東五里一統志云在曹州范縣東南孟村又云范縣南四十里又云沛縣東南蕭縣東南陽又云大名東明縣西北又云蕭縣東南八十五里唐開元八年從祀

先賢冉子

名雍字仲弓魯人墓在荷澤縣一統志云曹縣東南五十里冉堦村又云冠縣北二十五里山東考古錄曹縣有冉堦乃穰侯魏冉冢今以為仲弓云唐開元八年從祀

先賢端木子

名賜字子貢或作贛衛人唐開元八年從祀

先賢仲子

名由字子路一字季路卞人墓在直隸開州水經注云冢在威一統志云墓有三一學校志 東哲 八

永順縣志 卷之二

在開州北一十里一在清豐縣西南三十里一在長垣縣北三里案三縣今俱屬大名府長垣即春秋時薄邑唐開元八年從祀廣陽雜記山東仲家淺廟碑于路父

先賢卜子

名商字子夏衛人檀弓疏魏人鄭康成曰溫國人案漢書地理志溫故國屬河內郡

河內衛地故家語作衛人水經注墓在郟陽一統志云河津縣西五里新豐村唐貞觀二十一年以經師從祀

先賢有子

名若字子若史記作子有魯人唐開元八年從祀 國朝乾隆三年升列哲位

西哲

先賢冉子

名耕字伯牛白水倉頡碑作百牛魯人一統志墓在廣平永年縣西北四十里又云東平州西十五里又云滕縣南三里伯冢社又云孟津縣西舊清河城南唐開元八年從祀

先賢宰子

名予字子我魯人墓在曲阜縣東關

先賢冉子

名求字子有魯人墓在鄆城縣一統志云

先賢言子

名偃字子游游石經作旃檀弓注疏別字

偃家蓋吳郡人為是吳地記云墓在吳郡

常熟縣西北有子游巷文

先賢顓孫子

名師字子張陳人索隱曰鄭康成目錄

蕭縣一統志云徐州蕭縣東三十五里峴

坊村西子申詳附唐開元八年從祀宋咸

先賢朱子

名熹字元晦一字仲晦徽州婺源人登宋

紹興十八年進士第累官煥章閣待制建

永順縣志卷之二

學校志

西哲

九

唐石里大林谷一統志作建陽縣西北嘉

禾里九峰山下大林谷崇禎十五年改稱先賢位七十年升列哲位

以上哲位宋以前皆稱封爵明嘉靖九年改稱先賢

某子

國朝因之有子朱子升列哲位從一例

東廡先賢

先賢公孫僑

春秋世譜子產乃公子發字子國之子

以其出於公族故氏公孫鄭人左傳魯

襄公八年始見昭公八年卒賈氏說林

先賢林

放

字子邱魯人或曰孔子門人案泰安郡

志崇禮鄉有放城集相傳為林放故里

乾隆己卯掘地得古碑字畫多磨滅隱

隱見林放及唐太和二年數字放城集

舊名放城鎮在郡東南百八十里唐開元二十七年從祀明嘉靖九年改祀於

鄉復祀原西廡

先賢原 憲 字子思禮弓作仲憲宋人鄭康成

先賢南宮适 宮敬叔魯人孟僖子之子仲孫閱也居

南宮因姓焉按漢書古今人表有南宮

又有南宮敬叔顏師古於南宮則注曰

南宮緇於南宮敬叔則注曰南宮适明

夏洪基斷為二人以南宮緇括字子

容者為一人以仲孫說閱諡敬叔者為

西唐開元二 一 人墓在鄒縣南宮村一統志云鄒縣

先賢商 瞿 字子木魯人楊慎丹鉛錄云世本石室

蜀人考瞿上城在雙流縣東有商瞿祠

永順縣志 卷之二

學校志 東廡 十

古注商瞿姓也則以為復

先賢漆雕開 字子若史記作子開白水碑作子脩蔡

俱作彫彫雕本通王應麟藝文志考證

漆雕名啓史記名開因避景帝諱改孔

安國於論語仍注開名而其名遂隱幸

班氏志諱直書後世名字昭然家語作

漆雕開乃王肅不考而襲孔注

史傳爾唐開元二十七年從祀

先賢司馬耕 字子牛家語作司馬犁耕宋人左傳哀

公十四年司馬牛卒於魯北門之外阮

氏葬諸邱與注在泰山南城縣西北又

成公四年鄭公子偃敗諸邱與注鄭地

先賢梁 鱣 鱣一作鯉字叔魚齊人

唐開元二十七年從祀

先賢冉 孺 字子魯一作子曾家語作冉孺字

子魚魯人唐開元二十七年從祀

先賢伯 虔 古本家語作伯處字子皙史記作子析

今本家語作子楷魯人唐開元二十七

年從祀

先賢冉季 字子產或作冉季產又作子達 魯人唐開元二十七年從祀

先賢漆雕徒父 家語作漆雕從字子文或作子有或作子友魯人唐開元二十七年從祀

先賢漆雕哆 今本家語作修字子敏或作漆雕魯人唐開元二十七年從祀

先賢公西赤 字子華魯人一統志墓在大名府東明縣閔子墓東唐開元二十七年從祀

先賢任不齊 字子選史記作字選楚人唐開元二十七年從祀

先賢公良孺 孺或作儒字子正陳人唐開元二十七年從祀

先賢公肩定 或作公有家語作公肩字子仲史記作公堅定字子中或作子忠魯人或曰衛人或曰晉人唐開元二十七年從祀

先賢鄒單 鄒或作鄒字子家史記有家語無魯人唐開元二十七年從祀

先賢罕父黑 今本家語作宰父黑字子黑古本家語及史記皆作子索或作子素魯人案廣

永順縣志 卷之二

學校志

東廡

十一

韻云鄭有罕氏出自穆公以王父字氏又云複姓孔子弟子有宰父黑氏族

先賢榮旂 旂家語作祈字子祺古本家語字子顏一作子旗魯人墓在汶上縣唐開元二十七年從祀

先賢左人郢 家語作左郢字子行史記字行魯人通志畧曰左人以官為姓也案複姓有左人唐開元二十七年從祀

先賢鄭國 字子徒家語作薛邦字子從魯人史記正義邦作國者漢避高祖諱薛作鄭者字譌也或曰鄭國薛邦實兩人似誤唐開元二十七年從祀

先賢原亢 字子籍史記作原亢籍古本家語作原亢字籍一作原桃正義亢作亢魯人唐開元二十七年從祀

先賢廉潔 潔史記家語皆作絜家語字子庸今本家語字子曹史記字庸衛人古史作齊

先賢原亢 字子籍史記作原亢籍古本家語作原亢字籍一作原桃正義亢作亢魯人唐開元二十七年從祀

先賢廉潔 潔史記家語皆作絜家語字子庸今本家語字子曹史記字庸衛人古史作齊

先賢廉潔 潔史記家語皆作絜家語字子庸今本家語字子曹史記字庸衛人古史作齊

先賢廉潔 潔史記家語皆作絜家語字子庸今本家語字子曹史記字庸衛人古史作齊

先賢廉潔 潔史記家語皆作絜家語字子庸今本家語字子曹史記字庸衛人古史作齊

人唐開元二十七年從祀

先賢叔仲會 會文翁圖作會字子期魯人鄭康成曰晉人唐開元二十七年從祀

先賢公西與 如魯人唐開元二十七年從祀

先賢邾 巽 字子斂家語作邾選字子欽文翁圖作國選索隱曰蓋避漢諱改之劉氏作邾巽邾音圭所見各異魯人唐開元二十七年從祀

先賢陳 亢 字子亢說文作伉一字子禽陳人家語有史記不載墓在濟甯州一統志云河南開封府大康縣西唐開元二十七年從祀

先賢琴 張 又名牢字子開一字子張衛人家語有史記不載唐開元二十七年從祀

先賢步叔乘 字子車一作少叔乘齊人家語乘作乘古文乘字說文本作乘唐開元二十七年從祀

先賢秦 非 字子之魯人唐開元二十七年從祀

先賢顏 噲 字子聲魯人唐開元二十七年從祀

先賢顏 何 字冉古本家語云以字稱魯人史記有今本家語不載唐開元二十七年從祀

先賢顏 何 疑秦冉顏何字畫相近之誤嘉靖九年罷祀國朝雍

永順縣志卷之二

學校志 東廡 先賢

先賢縣 亶 索隱作縣豐廣韻作縣亶父字子象魯人家語有史記不載或云卽史記之鄆單也國朝雍

先賢牧 皮 年字里居無可考家語史記皆不載風俗通云黃帝臣力牧之後趙歧曰牧皮朝雍正二年從祀

先賢樂正克 年字無考魯人宋政和五年配饗孟子封利國侯國朝雍正二年從祀

先賢萬 章 年字里居無考齊乘滕州北公村有墓一統志墓在鄒縣西南十里又云濟南新城縣南政和五年從祀孟子廟庭封博興伯國朝雍正二年從祀

先賢萬 章 年字里居無考齊乘滕州北公村有墓一統志墓在鄒縣西南十里又云濟南新城縣南政和五年從祀孟子廟庭封博興伯國朝雍正二年從祀

先賢萬 章 年字里居無考齊乘滕州北公村有墓一統志墓在鄒縣西南十里又云濟南新城縣南政和五年從祀孟子廟庭封博興伯國朝雍正二年從祀

先賢萬 章 年字里居無考齊乘滕州北公村有墓一統志墓在鄒縣西南十里又云濟南新城縣南政和五年從祀孟子廟庭封博興伯國朝雍正二年從祀

先賢萬 章 年字里居無考齊乘滕州北公村有墓一統志墓在鄒縣西南十里又云濟南新城縣南政和五年從祀孟子廟庭封博興伯國朝雍正二年從祀

先賢萬 章 年字里居無考齊乘滕州北公村有墓一統志墓在鄒縣西南十里又云濟南新城縣南政和五年從祀孟子廟庭封博興伯國朝雍正二年從祀

先賢萬 章 年字里居無考齊乘滕州北公村有墓一統志墓在鄒縣西南十里又云濟南新城縣南政和五年從祀孟子廟庭封博興伯國朝雍正二年從祀

先賢萬 章 年字里居無考齊乘滕州北公村有墓一統志墓在鄒縣西南十里又云濟南新城縣南政和五年從祀孟子廟庭封博興伯國朝雍正二年從祀

先賢周敦頤

敦一作惇本名敦實避英宗諱改焉字茂叔道州營道人起官主簿歷虞部郎中知南康軍因家廬山宋天禧元年五月五日生熙寧六年六月七日卒年五十七墓在江州德化縣德化鄉清泉社蓮花峰母氏鄭夫人墓側淳祐元年從祀

先賢程

顥

字伯淳河南洛陽人登宋嘉祐二年進士第授鄆縣主簿累官太子中允監察御史改知扶溝縣明道元年生元豐八年卒年五十四一統志墓在河南府洛陽縣城南浩祐元年從祀

先賢邵

雍

字堯夫其先范陽人後徙居洛屢舉遺逸不起宋太中祥符四年生熙寧十年卒年七十一一統志墓在河南府嵩縣北程顥作記元祐元年諡康節咸淳三年從祀

西廡先賢

永順縣志卷之二

先賢蘧

瑗

字伯玉衛人蘧淮南子作瓌呂覽諡成子為衛大夫蘧荊子無咎之子左傳襄公十四年始見卒年無考史記定公十四年孔子猶主伯玉家其卒後於公孫僑蓋三十餘年陳畱志祭城有伯玉墓及祠一統志云長垣縣南十五里傍有祠又云衛輝府城西唐開元二十七年從祀明嘉靖九年改祀於鄉國朝雍正二年復祀原位東廡

先賢澹臺滅明

明

字子羽武城人墓在鄒縣史記正義葬兗州鄒城縣水經注渠水注陳畱縣襄氏鄉有子羽冢又云在南武城縣寰宇記在吳縣南十八里平城一統志云鄒縣西北三十里又云陳畱縣北六十里又云南昌府城內東湖上總持院後唐開元二十七年從祀原位東廡

先賢宓不齊

不齊

字子賤魯人宓史記作密一統志葬鳳陽府壽州東南六十里舊有碑云為魯使吳卒於道因葬焉唐開元二十七年從祀

先賢公治長

長占本家語作長字子長范甯曰名芝白水碑字子之家語云魯人史記云齊人墓在諸城縣西四十里張華云在城陽姑幕城東南五里一統志云邱瑯姑幕東南五里又云在淮安府唐開元二十七年從祀

先賢公哲哀

哀索隱作尅又本作克字季次家語作克字季沈齊人唐開元二十七年從祀

先賢高柴

字子羔禮記作子皋左傳作季羔家語作子畢齊人史記鄭康成俱作衛人墓在東阿縣一統志云在嶧縣東五十里故蘭陵城北又云沂州西南一百三十里又云大康縣西唐開元二十七年從祀

先賢樊須

字子遲家語魯人鄭康成曰齊人白水碑謂須字子達遲字子緩分爲二人未知何據墓在魚臺縣唐開元二十七年從祀

先賢商澤

字子季家語字子秀魯人唐開元二十七年從祀

永順縣志卷之二

學校志 西廡 先賢 十四

先賢顏辛

辛史記作幸或作柳或作韋字子柳魯人唐開元二十七年從祀

先賢公孫龍

龍古今家語作寵字子石衛人鄭康成曰楚人正義曰趙人唐開元二十七年從祀

先賢秦商

今本家語字不慈古本家語左傳俱作不茲史記字子不魯人鄭康成曰楚人唐開元二十七年從祀

先賢顏高

高家語作刻一作尅字子驕魯人索隱名產字子驕通典字子精唐開元二十七年從祀

先賢壤駟赤

史記字子徒壤家語作穰字子從秦人唐開元二十七年從祀

先賢石作蜀

古本家語作石之蜀今本家語作石字蜀字子明成紀人按氏族略石作複姓

以孔子弟子石作蜀為據

先賢公夏首 字乘家語首作守字子乘魯

先賢后 處 史記字子里家語作石處字里

先賢奚容蒧 字子哲家語作奚蒧字子哲魯人正

先賢顏 祖 祖今本家語作相字子襄史記字襄魯

先賢句井疆 今本家語字子界古本家語字子疆正

先賢秦 祖 字子南秦人唐開元二十七年從祀

先賢縣 成 字子祺家語字子橫魯人

先賢公祖句茲 字子之魯人唐開元二十七年從祀

先賢燕 伋 伋古本家語作級字子思史記字

永順縣志 卷之二

學校志

西廡

十五

先賢樂 欬 欬家語作欣字子聲魯人

先賢狄 黑 正義魯人唐開元二十七年從祀

先賢孔 忠 忠家語作弗字子蒧孔子兄孟

先賢公西蒧 字子尚史記作子上魯人

先賢顏之僕 字子叔史記字叔魯人

先賢施之常 字子恆魯人唐開元二十七年從祀

先賢申 枋 家語作申續又作申績字子周史記作

申黨又作申棠字周鄭康成作績或作

皆以枋黨為二人均加封爵從祀明嘉

先賢左邱明 魯人一作中都人楚左史倚相之後史

記姓左邱一統志墓在泰安肥城縣西

嶧縣東北七十里唐李吉甫元和郡縣

先賢秦冉

志在平陰縣東南五十里唐貞觀二十一年以經師從祀

先賢公明儀

字開里居無考史記有家語無唐開元國朝雍正二年復祀

先賢公都子

年字無考通考魯南武城人子張魯子弟子國朝咸豐二年從祀原位東廡

先賢公孫丑

齊人齊乘滕州南萬村有墓一統志墓在濟南淄川縣東南十五里又云鄒縣北三十里公孫社宋政和五年從祀

先賢張載

字子厚橫渠世大梁人父迪知涪州事卒於官僑寓鳳翔郿縣橫渠鎮之大振

常禮院天禧四年生熙寧十年舉進士官大

十八一統志葬郿縣東南五十里

先賢程頤

字正叔伊川洛陽人明道之弟宋嘉祐四年舉進士官至崇政殿說書宣議郎

永順縣志卷之二

學校志

西廡

十六

明道二年生大觀元年卒年七十五一統志墓在河南南府洛陽縣城南澠祐元年從祀

以上先賢位宋以前從祀者皆稱封爵明嘉靖九年

改稱先賢某子周張程邵五子嘉靖時稱先儒崇禎

十五年改稱先賢位在七十子之下漢唐諸儒之上

國朝俱稱先賢不稱子

東廡先儒

先儒公羊高

齊人子夏弟子唐貞觀二十一年從祀

先儒伏勝

字子賤濟南人秦博士漢文帝時年九十餘一統志葬鄒平縣東北二十里唐

貞觀二十一年從祀

先儒毛亨

河間人年無考受詩於荀卿以授毛萇亨稱大毛公萇稱小毛公詩疏魯人大

毛公為訓詁傳於其家河間獻王得而獻之以小毛公為博士案史記楚考烈王二十五年荀卿廢居蘭陵距漢興三十二年太平御覽引詩正義云荀卿授漢人魯國毛亨則是秦漢間人國朝同治二年從祀

先儒孔安國

字子國至聖十一代孫官諫議大夫為侍中後自博士遷臨淮太守卒年六十唐貞觀二十一年

先儒后蒼

字近君東海郟人漢宣帝二年為博士官至少府明嘉靖九年從祀

先儒鄭康成

不書名謹避上一字北海高密人官大司農漢永建二年生建安五年卒年七十四一統志墓在高密縣西北五十里礪阜山唐貞觀二十一年從祀明嘉靖九年改祀於鄉國朝雍正二年復祀原西廡

先儒范甯

字武子本南陽順陽人免官後家丹陽官豫章太守晉咸康五年生隆安五年卒年六十三唐貞觀二十一年從祀明嘉靖九年改祀於鄉國朝雍正二年復祀原西廡

永順縣志卷之二

學校志 東廡 先儒 十七

先儒陸贄

字敬輿蘇州嘉興人登唐大歷六年進士第中博學宏辭召為翰林學士拜中書侍郎同平章事貶中州別駕天寶十三年生永貞元年卒年五十二諡曰宣一統志墓在四川重慶府忠州南二里隔江扇風山又名翠屏山又稱夏祠山玉虛觀南國朝

先儒范仲淹

字希文其先邠州人後徙蘇州吳縣登宋太中祥符八年進士第官至戶部侍郎資政殿學士端拱二年生皇祐四年卒年六十四諡文正一統志墓在河南府洛陽縣城東南四十里萬安山下一名大石山國朝康熙五十四年從祀

先儒歐陽修

字永叔號醉翁晚號六一居士廬陵人以試南宮第一擢甲科授西京雷守推官累至觀文殿學士以太子少師致仕

宋景德四年生熙寧五年卒年六十六贈兗國公諡文忠一統志墓在開封府新鄭縣西二十里明嘉靖九年從祀

先儒司馬光

字君實陝州夏縣涑水鄉人宋寶元初進士甲科官至尚書左僕射門下侍郎

天禧三年生元祐元年卒年六十八贈太師溫國公諡文正一統志墓在夏縣

西北二十里鳴條岡哲宗賜碑曰忠清粹德咸淳三年從祀原位西廡

先儒謝良佐

字顯道上蔡人宋元豐八年進士官監西京竹木場生卒年無考與楊時呂大

臨尹焞同稱程門四先生國朝道光二十九年從祀

先儒羅從彥

字仲素豫章南劍羅源人晚就特科授惠州博羅縣主簿宋熙甯五年生紹興

五年卒年六十四諡文質一統志墓在延平府城東羅源里劉允濟刻誌明萬

歷四十二年從祀

先儒李綱

綱

字伯紀紹武人宋高宗即位召入相元豐六年生紹興十年卒年五十八一統

志墓在福州懷安縣西北蓋綱晚居侯官卒葬於此國朝咸豐元年從祀原

位西廡

永興縣志卷之二

學校志

先儒

十八

先儒張栻

栻

字敬夫號南軒漢川綿竹人丞相浚子也以蔭補官辟宣撫司都督府除秘閣

修撰改知江陵安撫宋紹興三年生淳熙七年卒年四十八諡曰宣一統志云

張浚墓在甯鄉縣西一百一十五里俗呼魏公墓子栻墓亦在其旁湖南通志

長沙府志俱云張浚墓在甯鄉西楓林鄉子栻墓在其右案魏公遺囑云即死

不當葬我先人墓左葬我衡山足矣朱子撰魏公行狀云葬於衡山豐林鄉又

拜魏公墓下詩云衡山何巍巍湘水亦湯湯宣公展省龍塘詩首聯云十年衡

山陰驅馬幾往還六聯云矯首祝融峰依前倚高寒俱指衡山而朱子撰宣公

墓銘云潛熙七年己亥春卒於江陵府葬於衡陽縣楓林之鄉龍塘之里又撰

宣公神道碑葬於潭州衡陽縣楓林鄉考宋時衡陽不隸潭州當是衡山之謠

楓與豐字異而音同乃今墓實在甯鄉大焉山之陽地名官山而湖廣通志云

或朱子集偶誤也豈宣公為魏公之亦有誤也邪抑或先葬衡山後改甯鄉

先儒陸九淵

亦未可知均未敢以臆斷也
景定二年從祀原位西廡
字子靜號象山撫州金谿人登宋乾道
八年進士第官國子正教紹興九年生
紹熙三年卒年五十四諡文安
明嘉靖九年從祀原位西廡
字安卿北溪漳州龍溪人以特奏授迪
功郎安溪主簿未上而沒宋紹興二十
三年生嘉定十年卒年六十五一統志
葬龍巖縣北二十三都 國朝雍正二
年從祀

先儒陳淳

字景元後更景希號西山建之浦城人
登慶元五年進士第中博學宏辭科累
官至知制誥拜參知政事淳熙五年生
端平二年卒年五十八諡文忠一統志
葬溁城縣南孝弟里明正
統二年從祀原位西廡

先儒真德秀

字子恭婺州金華人屢薦舉不受宋淳
熙十五年生成淳四年卒年八十一諡
文定 國朝雍正二
年從祀原位西廡

先儒何基

字履善號文山廬陵人登宋
寶祐三年進士對策第一官至少保右
丞相封信國公端平三年五月二日生
元至元十九年以不屈卒年四十七元
諡忠武明追諡忠烈一統志葬吉安府
城南一百四十里木湖 國朝道光二
十三年從祀
原位西廡

永順縣志卷之二

先儒文天祥

字宋瑞一字履善號文山廬陵人登宋
寶祐三年進士對策第一官至少保右
丞相封信國公端平三年五月二日生
元至元十九年以不屈卒年四十七元
諡忠武明追諡忠烈一統志葬吉安府
城南一百四十里木湖 國朝道光二
十三年從祀
原位西廡

先儒趙復

字仁甫號江漢九江德安人人生卒年無
考以宋端平二年至北庭當列元儒之
首 國朝雍
正二年從祀

先儒金履祥

本姓劉避吳越錢武肅王嫌名更為金
字吉父號仁山婺之蘭谿人德祐初起
為迪功郎史館編校不就宋紹定五年
生元大益七年卒年七十二諡文安
國朝雍正二年
從祀原位西廡

先儒陳浩

字可大雲莊東匯南康都昌人隱居教
授宋景定二年生元至正元年卒年八
十一 國朝雍正二
年從祀原位西廡

學校志

東廡

十九

先儒方孝孺

字希哲號正學甯海人明洪武二十五年薦除漢中府教授召為翰林侍講元至正七年生明建文四年殉難卒年四十六國朝同治二年從祀

先儒薛瑄

字德溫號敬軒河津人山西鄉試第一登永樂十九年進士官禮部右侍郎入閣預機務明洪武二十二年生天順八年卒年七十六謚文清一統志墓在河津縣西十里宏治中詔祀於鄉隆慶五年從祀原位置西廡

先儒胡居仁

字叔心號敬齋江西餘干人布衣終身明宣德九年生成化二十年卒年五十一謚文敬一統志墓在餘干縣高歷十二年從祀

先儒羅欽順

字允升號整菴江西泰和人登明宏治六年進士第三授編修遷南京國子監司業累官吏部左侍郎成化元年生嘉靖二十六年卒年八十三贈太子太保謚文莊國朝

先儒呂柟

字仲木號原野陝西高陵人登明正德三年進士第一授修撰累官至南京禮部侍郎成化十五年生嘉靖二十一年卒年六十四謚文簡國朝同治二年從祀原

永興縣志卷之二

學校志

東廡

二十

先儒劉宗周

字起東號念臺浙江山陰人明萬曆二十九年進士累官至左都御史萬曆六年生國朝順治二年殉難卒年六十八乾隆四十四年賜謚忠介道

光二年從祀原位置西廡

先儒孫奇逢

字啟泰鍾元夏峯直隸容城人明萬曆十二年生國朝康熙十四年卒年九十二道光八年從祀原位置西廡

先儒張履祥

字考夫浙江桐鄉人國朝同治十年從祀初名龍其後改今名字稼書當湖浙江平湖人國朝康熙九年進士授嘉定

知縣再補靈壽知縣累官監察御史三十一年卒距明崇禎三年生年六十三

謚清獻雍正二年從祀原位置西廡

先儒陸隴其

字道潛浙江平湖人國朝康熙九年進士授嘉善知縣再補靈壽知縣累官監察御史三十一年卒距明崇禎三年生年六十三謚清獻雍正二年從祀原位置西廡

西廡先儒

先儒穀梁赤

先儒高堂生

先儒董仲舒

先儒毛萇

先儒杜子春

先儒諸葛亮

永順縣志卷之二

顏師古曰名喜阮孝緒曰名俶字元始

魯人子夏弟子唐貞觀二十一年從祀

堂因姓馬漢書無名稱生者乃諸儒之

稱秦水漢初人唐貞觀二十一年從祀

字寬夫廣川人漢景帝時為博士武帝

初年以賢良對策為江東相一統志墓

在西安府城南六里元至順元年從祀

字長公趙人初孔子以詩授子夏逮授

至孫卿孫卿授毛亨亨河間人稱大毛

公授萇萇為河間獻王博士稱小毛公

一統志墓在河間縣尊福鄉唐貞觀二

十一年從祀

河南緱氏人漢永平初年且九十

唐貞觀二十一年從祀原任東廡

字孔明瑯琊陽都人官丞相封武鄉侯

漢光和四年生建興十四年卒年五十

學棧志

西廡

二十一

四謚忠武遺命葬漢中定軍山因山為

墳冢足容棺一統志在沔縣東南一十

里從祀國朝雍正二年

字仲淹河東龍門人徵召不起陳至德

二年生隋義甯二年卒年三十五一作

開皇二年生年三十七門人私謚文

中子明嘉靖九年從祀原任東廡

先儒王通

先儒韓愈

先儒胡瑗

先儒韓琦

先儒

進士官至吏部侍郎大歷三年生長慶

三年卒年五十七謚曰文一統志墓

在懷慶府孟縣北宋元豐七年從祀

字翼之泰州海陵人官至太子中允天

章閣侍講宋淳化四年生嘉祐四年卒

年六十七初謚安定後改文昭一統志

墓在如皋縣安定鄉又云湖州何山明

嘉靖九年

字程圭相州安陽人宋天聖

年進士

官開封推官累至入相封魏國公大中

祥符元年生熙甯八年卒年六十八謚

忠獻追封魏王一統志墓在安陽縣舊

輔巖縣城 神宗篆其碑曰兩朝顯命定策元勳 國朝咸豐二年從祀原位東廡

先儒楊時

字中立龜山南劍將樂人登宋熙甯九年進士第官至龍圖閣直學士皇祐五年生紹興五年卒年八十三諡文靖一統志墓在將樂縣西山胡安國撰墓誌銘明宏治八年

先儒尹焞

字彥明一字德充世為洛人宋靖康初被召不就賜號和靖處士後詔以秘書郎兼說書除禮部侍郎兼侍講熙甯四年生紹興十二年卒年七十二 國朝

先儒胡安國

字康侯建甯崇安人登宋紹聖四年進士第官至寶文閣學士熙甯七年生紹興八年卒年六十五諡文定一統志墓在承天又云當陽縣北十五里其父淵墓亦在縣北漳濱鄉又云安國崇安人致仕徙居衡山卒葬湘潭隱山案湖

永順縣志 卷之二

學校志

先儒

二十二

先儒李侗

南通志及長沙府志文定由崇安徙長沙城南以杵蔡京除名再徙衡山紫蓋鄉卒葬湘潭隱山三子祔葬查隱山距縣一百一十里真文忠守潭州有祭文定文詳見長沙府志

先儒呂祖謙

字伯恭東萊婺州人宋隆興元年進士官至著作郎兼國史院編修紹興七年生信熙八年卒年四十五諡曰成改諡忠亮一統志墓在金華府武義縣東十五里景定二年

先儒袁燾

字和叔諡正獻宋甯宗時鄞縣人 國朝同治七年從祀

先儒黃幹

字直卿勉齋福州閩縣人官漢陽軍知安慶宋紹興二十二年生嘉定十四年卒年七十贈朝奉郎諡文肅 國朝雍正二年從祀

先儒蔡

沈

字仲默九峯建州建陽人屢薦不就宋乾道三年生紹定三年卒年六十四諡文正明正統二年

先儒魏了翁

字華父鶴山邛州蒲江人登宋慶元五年進士第官至端明殿學士同簽樞密院事封臨邛侯淳熙五年生嘉熙元年卒年六十諡文靖贈秦國公 國朝雍正二年從祀東廡

先儒王

柏

字會之號長嘯更號魯齋婺州金華人宋慶元三年生成淳十年卒年七十八諡文憲 國朝雍正二年從祀東廡

先儒陸秀夫

字君實江南鹽城人宋景定初進士官至端明殿大學士左丞相端平三年十月八日生祥興二年即元至元十六年卒年四十四一統志墓在潮州府城南

先儒許

衡

字仲平魯齋懷州河內人累官至集賢大學士國子祭酒領太史院事宋嘉定

永順縣志 卷之二

學校志

西廡

二十三

二年生元至元十八年卒年七十三諡文正一統志墓在懷慶府修武縣西北

六十里皇慶二年從祀

先儒吳

澄

字幼清草廬撫州崇仁人宋舉進士不第仕元翰林直學士宋濬祐九年生元

諡文正一統志墓在崇仁縣東南十三都明正統八年從祀嘉靖九年罷祀

先儒許

謙

字益之號白雲山人婺州金華人隱居東陽金華山元至元七年生後至元三年卒年六十八諡文懿 國朝雍正二年從祀東廡

先儒曹

端

字正夫月川海南澗池人明永樂開舉人官霍州學正知崇安縣事洪武元年

先儒陳獻章

字公甫白沙廣東新會人明正統十一年舉人再上禮部不第薦召就試吏部不赴授翰林院檢討以歸宣德二年生宏治十三年卒年七十三諡文恭萬曆

先儒蔡

清

十二年
從祀

字介夫虛齋福建晉江人明成化二十年進士官至南京國子祭酒景泰四年

生正德三年卒年五十六諡文莊國朝雍正二年從祀

先儒王守仁

初名雲字伯安姚江浙江餘姚人明宏治十二年進士官至南京兵部尚書封新建伯成化八年生嘉靖七年卒年五十七諡文成萬歷十二年從祀原位於東廡

先儒呂

坤

字叔簡新吾河南甯陵縣人萬歷二年進士官至刑部侍郎嘉靖十五年生萬歷四十六年卒年八十三國朝道光六年從祀

先儒黃道周

字幼平石齋福建漳浦人明天啟二年進士改庶吉士授編修為唐王大學士萬歷十三年生國朝順治三年殉難卒年六十二乾隆四十四年賜諡忠端道光五年從祀原位於東廡

永順縣志卷之二

先儒湯

斌

字孔伯號荆峴又號潛菴河南睢州人國朝順治九年進士官至禮部工部

尚書康熙二十六年卒距其明天啟七年生年六十一康熙五十年入祀陝西江西江南名宦祠雍正十一年入祀賢良祠乾隆元年賜諡文正道光三年從祀原位於東廡

以上先儒位明嘉靖以前從祀者皆稱封爵嘉靖九年改稱先儒某子

國朝稱先儒不稱子

崇聖祠正位

肇聖王木金父公

宋人孔父之子孔子之五世祖國朝崇聖祠中位

裕聖王祈父公

或作暉更父孔子之高祖國朝雍正元年追封裕聖王祀崇聖祠左一位

詒聖王防叔公

名字無考嘗為魯防邑大夫後世因號防叔孔子之曾祖 國朝雍正元年追封詒

聖王伯夏公

聖王祀 崇聖祠右一位 國朝雍正元年追封昌聖王祀 崇聖祠左二位

啓聖王叔梁公

諱紇孔子之父仕魯為鄆邑大夫米大中祥符元年追封齊國公顏氏魯國太夫人元至順元年封啓聖王顏氏啓聖王太夫人明嘉靖九年合兩京國子監及天下學校通建啓聖祠中祀叔梁題啓聖公孔子神位 國朝雍正元年仍封啓聖王祀 崇聖祠右二位

以上正位明嘉靖九年於

大成殿後立啓聖祠祀叔梁公

國朝雍正元年

詔封孔子先師王爵合祀五代更名啓聖祠為

永順縣志

卷之二

學校志

崇聖

二十五

崇聖祠

東配

先賢孔氏孟皮

字伯尼孔子之兄孔忠之父 國朝咸豐七年配饗

先賢顏氏

名無繇家語作顏繇字季路史記字路繇索隱作由顏子之父唐開元二十七年從

祀元至順三年封祀國公諡文裕妻齊姜氏杞國獻瑞夫人明嘉靖九年配饗

先賢孔氏

名鯉字伯魚子思之父宋咸淳三年從祀明嘉靖九年配饗

西配

先賢曾氏

名點字子皙史記作曾葢字皙按葢古點字曾子之父一統志墓在萊州費縣西南

八十里成山下唐開元二十年配饗

先賢孟孫氏

名激字公宜孟子之父元延祐三年封

墓在鄒縣北二十里馬鞍山 國朝宣獻夫人一統志

之左麓明嘉靖九年配饗

東廡先儒

先儒周氏

名輔成周子敦頤之父宋大中祥符八年進士官賀州貴嶺令贈諫議大夫妻鄭氏

封仙居縣太君生無考天聖九年卒葬營樂里祖居之右明萬歷二十二年從祀

先儒程氏

名珦字伯温二程子顥頤之父起官黃陂尉至虞部員外郎五任州事轉大中大夫

封永年伯宋景德三年生元祐五年卒年八十五明嘉靖九年從祀

先儒蔡氏

名元定字季通西山蔡氏沈之父宋紹興五年生慶元四年卒年六十四贈迪功郎

諡文節明嘉靖九年從祀

西廡先儒

先儒張氏

名迪張子載之父仕宋仁宗朝終知涪州事卒於官年無考國朝雍正二年從祀

先儒朱氏

名松字喬年號章齋朱子熹之父宋政和八年進士官至司勳吏部郎出知饒州紹

聖四年生紹興十三年卒年四十七贈通議大夫始葬崇安西塔山乾道五年遷墓

永順縣志卷之二

學校志

二十六

記云白水鷺子峯下至慶元時又遷於武夷鄉寂歷山一統志云崇陽縣東南寂歷

山元至正二十二年追諡獻靖明嘉靖九年從祀

以上先賢先儒位明嘉靖時稱先賢某氏先儒某氏

國朝因之

御製臥碑文

一生員之家父母智賢者子當受教父母愚魯或有非爲者子既讀書明理當再三懇告父母不陷於危

亡

一生員立志當學爲忠臣清官書記所載忠清事蹟務要互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者適以自殺其身常宜思省

一生員不可干求官長交結勢要希圖進身若果心善德全上天知之必加以福

永順縣志

卷之二

學校志

臥碑文

二十七

一生員當愛身忍性凡有司衙門不可輕入卽有切己之事只許家人代告不可干與他人詞訟他人亦不許牽連生員作證

一爲學當尊敬先生若講說必誠心聽受如有未明從容再問毋妄行辯難爲師者亦當盡心教誨勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調治罪

御製訓飭士子文

國家建立學校原以興行教化作育人材典至渥也
朕臨御以來隆重師儒加意庠序近復慎簡學使剔
釐弊端務期風教修明賢才蔚起庶幾棧樸作人之
意乃比年士習未端儒教罕著雖因內外臣工奉行
未能盡善亦由爾諸生積痼已久粹難改易之故也
茲特親製訓言再加警飭爾諸生其敬聽之從來學
者先立品行次及文學學術事功原委有敎爾諸生
幼聞庭訓長列宮牆朝夕誦讀甯無講究必也躬行
實踐砥礪燕隅敦孝順以事親秉忠貞以立志窮經
講業勿雜荒誕之談取友親師悉化驕盈之氣文章

永順縣志

卷之二

學校志

飭士子文

二十八

歸於醇雅毋事浮華軌度式於規繩最防蕩佚子矜
佻達自昔所譏苟行止有虧雖讀書何益若夫宅心
弗淑行已多愆或蜚語流言挾制官長或隱糧包訟
出入公門或唆撥奸猾欺孤凌寡或呼招朋類結社
邀盟乃如之人名教不容鄉黨切齒縱俸脫褫扑濫
竊章縫返之於衷甯無愧乎况鄉會科名乃掄才大
典關係尤重士子果有實學何患困不逢年顧乃標
榜虛名暗通聲氣夤緣詭遇罔顧身家又或改竄鄉
貫希圖進取囂凌騰沸罔利營私種種弊端深可痛
恨且夫士子出身尤貴以正若資厥拜獻便已作奸
犯科則異日敗檢踰閑何所不至又安望其秉公持

正爲國家宣猷樹績應疏附後先之選哉朕用嘉惠爾等故不禁反復惓惓茲訓言頒到爾等務期共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮卽爾祖父亦增光寵矣逢時得志甯俟他求哉若乃視爲具文玩愒勿做毀方躍冶暴棄自甘則是爾等冥頑無知終不能率教也旣負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業不修咎亦難追勿謂言之不豫也爾多士尙敬聽之

藏書

欽定訓飭州縣規條一部

聖諭文武和衷一部

上諭一部

御撰資治通鑑綱目三編計四本

上諭三道

清語一部

御纂周易折衷一部

御纂周易述義一部

欽定書經傳說一部

欽定詩經傳說一部

永順縣志

卷之二

學校志

藏書

三十

御纂詩經拆衷一部

欽定春秋傳說一部

御纂春秋直解一部

御纂日講四書一部

御纂性理精義一部

御纂大學衍義一部

欽定四書文一部

御纂資治通鑑綱目一部

御製文初集一部

御製詩初集一部

御纂古文淵鑑一部

儀禮註疏 十二本

周禮註疏 十四本

禮記註疏 二十本

周易註疏 四本

尙書註疏 六本

毛詩註疏 十六本

左傳註疏 二十一本

羊公傳註疏 八本

穀梁傳註疏 四本

論語註疏 四本

孟子註疏 四本

孝經註疏 一本

爾雅註疏 三本

大學衍義輯要 一本

大學衍義補輯要 六本

駁呂留良四書講義 六本

綱鑑正史約 十六本

史記 二十本

前漢書 二十四本

後漢書 二十本

三國志 二十本

晉書 二十八本

永順縣志 卷之三

學校志 藏書 三十一

宋書 二十四本

南齊書 十本

梁書 八本

陳書 四本

魏書 二十四本

南史 十本

北史 三十本

北齊書 八本

後周書 八本

隋書 二十本

五代史 八本

唐書 四十四本

宋史 一百本

遼史 八本

金史 二十本

元史 五十本

明史 一百一十二本

歷代年紀便覽 一本

唐宋文醕 十二本

唐宋詩醕 二十本

朱子全書 四十本

近思錄 一本

小學纂註 一本

呂子節錄 一本

四禮翼 一本

四禮初 一本

呻吟語錄 二本

在官法戒錄 二本

訓俗遺規 二本

從政遺規 二本

律法指畧 二十一本

養正遺規 一本

教女遺規 一本

豫章書院學約 一本

司馬文正公傳家集 十二本

大清律 一部

吏律 二十二本
又五本

戶律 三十五本
又二本

禮律 十二本
又二本

兵律 十本
又十七本

刑律 三十五本
又二十本

工律 三本
又二本

督捕則例 二本

永順縣志 卷之二

學校志

藏書

三十二

纂修則例 四本

欽定學政全書四部 計四十四本

欽定禮部則例二部 計四十八本

欽定磨勘簡明條例一部

欽定歲科考磨勘條例一部

欽定武職官階一部

欽定續增條例一部

大清通禮一部

事例 一本

文闈鄉試增改事宜條款 二本

武生隨營停其歲試條例 一本

五經挨次出題條例 一本

召試章程 一本

鄉試儀注事宜 一本

新頒條例 二本

學政條約 四本

湖南省志 八十本

湖南祀典 一本

武廟春秋祭樂章 一本

昭忠祠儀注 一本

呂祖師廟儀注祝文 一本 賢良祠儀注 一本

同治十二年六月大水學宮傾圮藏書損失殆盡
知府魏式曾籌款百金飭禮書王澤恩赴湖北崇
文書局重購會議尊藏羣籍章程置四櫃於書院
按年輪派府縣學生員各一名經營以專責成

書院條規

知府魏式會

爲示諭條規事照得郡屬介處邊隅購書不易先年各學奉

頒書籍久已殘缺不全去歲蛟水爲蓄又復漂流殆盡士子窮經汲古不乏英異之才而寒畯居多何能購備書籍是簡編未裕卽學校無光也茲本府籌捐百金由湖北采買羣籍儲置崇文書院以資誦讀而勵觀摩合將擬定條規開列於左

一所有書籍造具書目簿一樣五本府縣暨書院兩學各存其一每歲十一月散館次年二月開館會督新舊首士齋長照簿查檢核對如有短少卽令經手人

永順縣志

卷之二

學校志

條規

三十四

賠補

一士子欲廣見聞拓心胸非經史無由入門茲仿古人剛日讀經柔日讀史之意遴選齋長分日講貫其講經之法不必逐章逐句先就一經之參考未確及曩日之誤於高頭講章者以精義爲折衷以註疏爲引證一經講畢挨次再講一經暮年之中周而復始至若詳加尋繹是在士子能自得師

一講史之法宜先將杜紫綸先生讀史論略貫徹後按朝代撮舉大綱凡關係治亂興亡者遵照

批通鑑指陳用人行政得失庶爲文可以包孕史事卽異日爲政亦知法戒昭然援古證今斯爲有根抵之學

一經史之外如國策國語文選及其他雜集均爲不可不讀之書暫且不議專條恐致有務廣而荒之誚應俟行有餘力另立課程

一書院設立書櫃尊藏羣書每當講解之日原冀人之觀覽但須隨覽隨繳不准攜帶回家若使紛沓而來司書者亦應接不暇並宜按輪講某經某史之日卽借觀某經某史庶免卷帙錯雜彼此混淆爾等宜常存珍重敬惜之心不可稍有污褻

一值年首士既不能常川在院齋長亦講畢歸家茲於錄取正課生童各派二人分掌書籍每月另籌薪水以獎其勤設有曠誤因循以次遞推換人掌管凡遇正課及考試日停講將櫃封鎖不准率爾借觀以上各條務宜恪遵毋違

藏書附

御纂周易折衷一部 共十二本

欽定書經傳說一部 共十二本

欽定詩經傳說一部 共十八本

欽定周官義疏一部 共二十八本

欽定儀禮傳說一部 共三十二本

欽定春秋傳說一部 共二十本

欽定禮記義疏一部 共四十八本

御批通鑑輯覽一部 共六十本

資治通鑑一部 共一百零二本

仿刊王本史記一部 共二十二本

永順縣志卷之二

學校志

附藏書

三十六

讀史兵畧一部 共十六本

國語一部 共五本

戰國策一部 共五本

昭明文選一部 共二十四本

古文詞畧一部 共五本

金華文萃一部 共二十六本

金華叢書一部 共二本

稽古錄一部 共四本

近思錄一部 共四本

日知錄一部 共十六本

經典釋文一部 共十二本

六書音均表一部 共二本

說文解字一部 共十五本

解字義證一部 共三十二本

楊園全集一部 共十六本

清尊集一部 共四本

鴻雪集一部 共一本

唐四家詩集一部 共六本

學統一部 共十六本

永順縣志

卷之二

學校志

附藏書

三十七

新建永順縣文廟碑記

永順知縣李瑾

天下郡邑莫不立學校建宮牆以祀

先師孔子今永順新設郡縣奉

詔旨發帑金築城垣修學校議於府學外並建縣學度地於城之東北隅背坎向離山明水秀天光煥發地德葱蔚卜吉興工中爲大成殿東西爲兩廡前爲大成門又前爲櫺星門門之內鑿泮地立圍橋外豎照牆左右爲德配天地道貫古今坊大成門右爲鄉賢祠左爲名宦祠左之上爲崇聖宮前爲明倫堂門牆具備皆照依內地制度崇宏堅固以肅觀瞻落成之日恭行祀事永順舊隸土司今

永順縣志

卷之二

學校志

文廟碑記

三十八

皇上鑒彭姓獻土之誠興建學校奉祀

先聖先賢安妥神靈佑啟文教此爾士民千載一時也爲士民者正宜父教其子兄教其弟勤學乎論學庸孟之旨專精乎易禮詩書之學究其廣大精微之蘊攻其規矩準繩之文且明乎人倫修乎德行探乎性理博乎史鑑以應學臣之試以入鄉薦之闈郁郁乎可與中州頡頏矣不甯惟是永順山水秀靈人物子弟固多雋異之質而永定衛地氣清嘉素有讀書能文之士沈鬱既久則其發舒也必長今文明蔚興傑人連茹而起竝見奇偉之彥接踵而上闕廷忠良之英比肩而立禁闈爾士民勉之余將拭目望之矣

書院

崇文書院郡邑同建其制及建修始末詳見府志惟所置膏火田山及各項經費所出照案備載

一上柳保勞子灣博魯二處官山每年稞銀一十一兩零原爲歲修縣署費知縣陳惠疇撥充書院膏火一官山四處守車車臥洗車施溶谿地乾隆二十六年知府張天如提充膏火歲收銀九十八兩同治六年知府黃文琛改定額穀

一東門外彭許二姓田土名慈芭苦二十四址計丈二十二畝有奇租三十五石知府戴求仁提充書院一勺哈水田十一址計十九畝零四分六釐租二十

永順縣志

卷之二

學校志

書院

三十九

五石知府戴求仁知縣黃德基捐置

一梨子凹田六址 一夕著坪田十二址

一富坪下寨田十七址 一愛旗寨田三址

一牛欄沖田十七址 又四十六址 以上皆買業

一利涉湖田四十址 一他薩苦田三址 以上皆當業

又新置科舉費若干每科文鄉試費錢三百千武鄉試費錢六十千會試費每屆銀一百兩俱由書院支給其科費所出詳同治五年書院科費碑記

同治十二年清查公車費田產

一買黃惠伯艾谿坪田四坵額穀柒石前在書院項

下同治十二年奉府尊魏示提歸公車費內

車窩保官山田租

一舍車湖

周德朝田二十一坵額穀拾壹石貳升伍合

曾洪興田二坵額穀伍斗

陳滿朝田十六坵額穀肆石捌斗伍升伍合

熊光南田十一坵額穀貳石肆斗伍升

向士漢田十七坵額穀陸石捌斗伍升

一雜木湖

永順縣志

卷之二

學校志

公車費

四十

張天潢田二十坵額穀捌石叁斗

向正典田十二坵額穀柒石玖斗

向正南田十九坵額穀貳石捌斗

向炳剛田四坵額穀貳石柒斗柒升伍合

向光壽田八坵額穀柒斗伍升

向正富田八坵額穀玖斗貳升伍合

向正第田六坵額穀壹石壹斗伍升

向國良田八坵額穀貳石陸斗貳升伍合

向正高南共田五坵額穀柒斗伍升

向光壽照

田光燦共田二坵額穀伍斗

熊光南田四坵額穀柒斗伍升

章中貴田四坵額穀柒斗伍升

田光國田七坵額穀壹石

向正南田三坵額穀貳斗伍升

熊光南向正第田二坵額穀叁斗

王廷秀田一坵額穀壹斗貳升伍合

一朵薩湖

張大金田十二坵額穀伍石柒斗伍合

彭廷章田十九坵額穀拾石

楊再璜田一坵額穀伍斗

李應南田二坵額穀貳斗伍升

黃元美田四坵額穀壹石柒斗伍升

永順縣志

卷之二

學校志

公車費 四十一
田產

羅天麟田三坵額穀壹石壹斗貳升伍合

田連陞田一坵額穀壹斗

一撒金坡

何遠德田二坵額穀貳斗伍升

楊芳奎田三坵額穀伍斗

何炳南田二坵額穀貳斗伍升

何勝華田六坵額穀伍斗

周先珍田十三坵額穀壹石貳斗伍升

一同落湖

劉安文田十四坵額穀肆石伍斗

艾天華田九坵額穀肆石伍斗

彭孝忠田三坵額穀貳斗伍升

周大順田十坵額穀柒斗伍升

一灣塘

羅邦林田十七坵額穀拾貳石伍斗

一洗車保榮房溝

彭尚禮田一坵額穀柒斗伍升

彭楚南田二坵額穀壹石

彭楚珍田一坵額穀伍斗

車窩保官山土稞

一同樂湖

稞頭彭孝忠稞錢捌千壹百七十九文

永順縣志

卷之二

學校志

公車費

四十二

田產

一撒金坡

稞頭何炳南稞錢陸千捌百貳十六文

一朵薩溪

稞頭何炳南稞錢肆千零伍十文

一三亥寨

稞頭周德朝稞錢貳千叁百文

一雜木湖

稞頭向光壽稞錢叁千文

一舍車湖

稞頭向世漢熊光南稞錢貳千壹百九十文

一雜木湖

稞頭周德朝稞錢壹千伍百肆十文

一榮房溝

彭尚禮稞錢捌百文

楊世車稞錢叁百文

老沙園稞錢壹千六百文

彭楚鼎稞錢叁百五十文

彭尚志稞錢壹千貳百六十文

姚本祥稞錢壹千四百文

彭尚禮稞錢陸百文

周孝進稞錢陸百文

劉啟蛟稞錢貳百四十文

永順縣志

卷之二

學校志

公車費

四十三

一土傍湖

陳紹品稞錢陸千文

嚴芝蘭稞錢伍千四百文

陳天華稞錢叁千文

一范洽保大慶山

楊世奇汪發道共稞錢叁千文

以上前定官山田租土稞之額歲收不齊有書院

公車簿據備查

桂香書院記 院卽文昌祠

知縣 李 瑾

文廟既成爰於廟右捐建

文昌帝君祠題曰桂香書院曷爲乎以桂香名也桂香殿者

帝君之所居故建祠之所亦曰桂香也建祠也曷爲曰書院將延師聚徒講習於其中也蓋匡斗六星爲文昌之宿掌天上之府而

帝君以台斗星精生於周宣王時積功累行以孝友同尹吉甫懋建明德其沒也神歸星府職司文昌凡天下科名嗣祿咸屬職掌且歷代行化飛鸞闡教諄諄然以忠孝仁義正人心而維世教其教人也先德行而

永順縣志

卷之二

學校志

書院

四十四

後文章科名嗣祿先後黜陟昭然不爽從來讀書之士敬信佩服書冊所載可考而知也昔我先王父雲溪公幼讀書於澂陽城北鳳翔寺之文昌宮晨夕敬事久之夢

帝君召至座前自引左手刺右手指出血令王父吮之吮訖驚覺心神開朗讀書數行並下遂博極羣籍於五經性理史鑑諸子百家無不歷覽殆徧後來登賢書自司鐸歷官巡撫凡建言敷政救災恤患錫福黎元報効

朝廷皆若對越於

帝君之前遵體弗懈至作撫楚南時誠諭再三 瑾 敬誌弗

敢忘前任沅陵立

帝君像於城之西今新闢永順建祠設像以伸瞻仰尤念天下直省郡邑莫不設立書院以興賢育才今

神祠既建將進茲地俊良之士肄業其中遊桂香之院侍帝君之側以讀書而向學則其觀感也倍速其成就更遠且大故題曰桂香書院所以遵祖訓而彰

神靈也第書院之設非徒務乎其名也入其中者當念聖人之教首在明倫而務本

帝君以神道設教首在崇德行而立陰功本此以爲學則著爲文章可以鼓吹休明見諸事業可以潤澤治化於以登桂院而步金門是乃先王父垂誠之心余今日所以捐建之意也多士其敬聽之哉

永順縣志

卷之二

學校志

書院

四十五

崇文書院碑記 乾隆二十六年

張天如

湖南四大書院皆宋儒講學之地

本朝功德偉茂文教涵濡省會郡邑書院徧天下永郡居楚邊自建官設學被聲名文教之化三十餘載余於己卯歲蒙

聖恩擢守茲郡下車後問四屬義學皆分置城鄉就近延師以訓子弟夫天之生材不擇地而安其所習人之通弊以鄉人訓其鄉人幾何不相率而安於陋也是非所以敬宣

聖化而於新設之邊疆相時因勢而利導之之良法也湖

南西北一帶苗疆皆有書院如鎮筸之敬修而永綏

永順縣志 卷之二

學校志

書院

四十六

綏吉則余任同知時所創建者莫不彬彬稱盛而茲郡缺然茲郡之士子其何恃以興學辛巳夏相府署東北隅有空地四望形勢可以覽山川之勝加之斧藻當有改觀者度地興工歷三月而成屋三進進各三間有講堂有學舍又有高樓以供文昌之位外圍牆垣內餘隙圃工料資費皆余與四縣捐廉給之學憲吳按試至郡題扁聯標門榜額曰崇文書院余又與四縣議捐膏火延名師以主講席俾所屬生童觀摩焉余聞漢文翁爲蜀郡太守以明經飭行教學官諸生當時未有學校蓋卽書院之所昉也宋胡瑗教授蘇湖以經義治事分課士子其時人材輩出亦爲

書院者之所當法此地僻陋沐

聖化者三十餘年人知向學而不知所以學自今設有書院又擇名師誘進之彼有志於學者漸及高明期於遠大以至根柢深厚文章爾雅道學純粹體用該備為

國家用為鄉閭光非茲郡之幸耶書院之地自展拓興修之後生面頗開亦宜有地靈焉以為鍾毓之府余又安能不深有望於茲書院耶古者內郡舉文學邊郡舉勇猛士

本朝文經武緯中外稷福要荒遠邇皆蒸然丕變於詩書禮樂之中固無分邊郡也易曰觀乎人文以化成天下永雖邊郡足以規化成之象文烏可不崇哉茲書院也謂余嘉惠士子余不敢居謂余奉

聖恩宣

上德冀以稍裨邊疆自盡職守補義學之缺廣學校之澤任剗始之勞以俟後之君子是余之責也爰書而勒

諸石

永順縣志

卷之二

學校志

書院

四十七

崇文書院置產碑記

嘉慶元年

知府

戴求仁

伏讀

欽定學政全書內奉

上諭書院之制所以導進人材廣學校所不及

世宗憲皇帝命設之省會發帑金以資膏火煌煌

天語培植人材無以復加

聖朝文教誕敷省會郡邑偏立書院永郡居邊境乾隆二

十六年會稽張君念齋守茲土建置崇文書院於府

署東北隅規模宏整慮膏火無資稟請

上憲將郡屬車窩守車二保內之乍補湖大洞小洞

共一十五處官山內撥租銀九十八兩零五分九七

永順縣志

卷之二

學校志

書院

四十六

置產碑記

秤色貯縣庫為郡城書院師生束脩膏火之資歷三

十餘載矣永郡文風漸有起色余於乾隆五十七年

冬奉

命來守是郡見夫山州繡錯都人士亦彬彬雅可觀昔由

皇上重熙累洽作人雅化無遠弗届人文日盛溪崗向化

思照舊例而推廣之訪諸紳士耆庶木城保東關外

惹芭苦地方有彭訐二姓充公官田久經荒蕪永邑

令黃君親詣踏勘共水田三十四址計丈二十二畝

有奇諭令鄉民耕種具認以乙卯年為始每年秋收

納租穀三十五石又永順縣黃並余共捐廉二百五

十兩買勺哈保水田十一址計一十九畝零四分六

釐每歲納租穀二十五石共納租六十石捐置倉序
二間於府學署牆垣內之東貯備師生膏火之需城
中紳士陳正策向萬河楊文德黃光燦經理變價置
產山入報縣存案以俟漸次恢拓延師督課士習駸
駸日上文運聿新郡屬列科名登仕版者漸有其人
不可謂非振興文教之一驗矣內有講堂有學舍有
高樓供祀文昌魁星多士爭自濯磨聯翩蔚起余與
四縣令有厚望焉至乍補湖官山開墾日久熟地漸
多山麓新墾田畝亦復不少現會縣尉梁同董事紳
士勘查俾佃民按畝納租又可得水田若干畝俟核
定另記膏火有資寒士不愁饑殍簡練揣摩益歸純
篤從此人文炳蔚皆羽儀
工國之材快何如哉

同治十二年清查崇文書院新舊置買田產

一上榔保勞子灣博魯二處官山每年稞銀一十一兩
零前縣陳惠疇撥充書院膏火無着

買向啟才艾溪田三坵額租拾石

買彭成牛欄沖田二十七坵額租玖石

買宋勝富貴牛欄沖田二十一坵額租伍石伍斗

買潘良玉兩义河田三坵額租貳拾貳石

買戴華林烏宿灣田八坵額租捌石

惹把苦田三十八坵額租參拾石

買楚光緒太樹洗科田二坵額租拾貳石

買蕭長新北門沖田二坵額租陸石

永順縣志

卷之二

學校志

田產

五十

買郭應仁馬火營田五坵額租陸石

買鄭如陵崗鷺鷥庄田十四坵額租拾貳石

買姚春堂艾溪官山下田四坵額租壹石肆斗

買楚作義鷺鷥庄田二十五坵額租肆拾石零伍斗

買張學真富坪田一坵額租參石

買王肇柏王家門口田二坵額租陸石陸斗

買王肇槐富坪田三坵額租陸石

買涂來新勺哈田十一坵額租貳拾伍石又伍石

買劉德純樹夕科田二坵額租參石

王廷選捐充翁白湖田十坵額租拾肆石

買孫科陳家田田五坵額租捌石

丁家灣田三十坵額租貳拾貳石

買石 珍田四十六坵地名牛欄冲額租貳拾陸石

買楚作義關廟坪田二坵額租玖石 四六分

買廖榮貴楊公橋田八坵額租柒石

大龍洞田五坵額租玖石

買楊必順鷺鷥庄田二坵額租柒石

買孫 科富坪田六坵額租陸石肆斗

秦應貴捐充梨子凹田六坵額租壹石伍斗

沐浴田四坵額租貳石

買羅集成岩穴場田十一坵額租壹石捌斗

買楚作義田七坵地名鷺鷥庄額租拾貳石伍斗

永順縣志 卷之二

學校志

田產

五十一

買周掄才蔡家灣田一坵額租壹石伍斗

塔卧冷水田二十四坵額租玖石貳斗

買周子嘉龍洞田七坵額租玖石捌斗

買鄭仁興羅家田田十七坵額租捌石伍斗

買蕭大生北門冲田一坵額租壹石

買李成林近官庄田十二坵額租叁石

魯家山田六坵額租柒石

唐澤洋地名咱住小溶田二十六坵額租壹拾捌石

艾溪義渡田四坵額租拾壹石

買邱光 宣宗羅洞水田二坵額租伍石

買宋宗 海武十里鋪田六坵額租貳拾肆石

買李義發書院灣田二伍坵額租貳石

買羅亨茂灣坵水田一坵額租貳石貳斗

前縣唐 罰充向成林小龍村壩可坪田三坵額租參石

以上每年應收額租肆百壹拾貳石肆斗

書院當業

姚大煦艾溪坪田十五坵額租拾石伍斗

胡國鳳五通坪田三坵額租貳石

盧元醕宋家田水田五坵額租肆石

彭士金二口湖田一坵額租柒斗

周子嘉艾溪坪田四坵額租參石

陳惠善紀五通坪田一坵額租貳石參斗

永順縣志 卷之二

學校志 田產 五十二

田豐盛東關外小橋邊麻園一塊每年認租錢壹千

四百文

彭洪忠屋對門田二坵額租貳石

魯麟昌擺里田二坵額租貳石

謝元厚富坪田四坵額租拾貳石

宋 鼎松朶湖田十四坵額租柒石

向心田鷺鷥庄田五坵額租貳石無着

彭保申大井田四坵額租拾貳石

黃同人願家湖樹坪田二坵額租肆石伍斗

以上每年應收額租肆拾肆石

又稞錢壹

千肆百文

書院舖屋

東門城內舖屋二間二進租錢參拾捌千文

又東門城內舖屋二間二進租錢參拾捌千文

老街屋三間租錢肆千捌百文

棚場街舖屋一間租錢肆千伍百文

以上每年應收租錢捌拾伍千參百文

按書院額收租穀錢文出入原可相敷近數年因將科舉費公車費牽入於中以致轆轤不清轉形支絀同治十二年文武鄉試科舉費無措經 府尊魏籌款借墊又拔貢

朝考公車費尤屬無着 府尊魏捐銀六十兩發給拔

永順縣志

卷之二

學校志

書院舖屋

五十三

貢生三名此後未便援以爲例飭將兩項清出各歸各款以免混淆復因顧紹雍子孫考試批准立案飭令捐助書院膏火錢六百串置買小西門正街黃延祚出業舖屋二間係程大德契當地基均已查明備案十三年二月燬於火棟宇無存蒙 府尊借墊修復每年租錢陸拾千文又加錢拾千文

建崇文書院序

嘉慶十六年

知府福順

惟四代之學考諸經可見已而有在國在郊之異要之因時制宜相其地而置之無不同也

國朝文明誕敷重熙累洽聲教所被靡遺遐荒樂德育材謹自庠序永之崇文書院乾隆二十六年爲前守會稽張念齋先生倡建實附桂香閣也歷年已久風雨飄搖余己巳莅任見堂陛摧頽垣墉傾圯不勝悚然輒以護觀察篆去鎮筭明年轉任摧頽傾圯者則又甚矣我

皇上嘉

帝君佑啟文明嘉慶六年五月特頒祀典燈於

永順縣志

卷之二

學校志

書院

五十四

武廟夫有專祀者當有專廟今茲閣士子讀書其中褻典禮瀆神明揆諸對越之嚴能無惶懼乎故廟不可不速修書院不得不更遷也而書院爲人材所自出遷之原非易易籌畫於心偶見迎恩橋之陽氣象崇宏蜿蜒起伏公餘蹤跡之則一阜卓立去市間稍遠四望空曠奇峰迴環俯仰之間覺悠然而虛者與神謀淵然而靜者與心謀誠絃歌之勝地也爰謀諸永令莊君龍令繳君保令諸君桑令王君暨各屬司鐸以下諸執事胥以爲可遂出廉餘簡邑之達而賢者爲之董其事而四邑之士亦靡不鼓舞歡欣踴躍從事矣先是相宅甫定悉將桂香閣之傾者崇之欹

者正之殘缺者補之剝落者望之塗之丹雘以飾之而廟貌一新尊特典也辛未之春迺經始於東偏面方審勢鳩工庀材百堵皆作有戶而堂而廡而齋生師有舍庖廩有次展力駢營歷數月而藏事地則從新額仍其舊不泯前賢之美也落成日有揖而進於余者曰永巖疆也雖風俗醜樸文教漸濡乃自始建以來科名維艱公之經畫區處瘁力勞心於茲殆欲振起其士風俾四邑蒸蒸然科甲連綿與亦姑且爲之以聽其自至耶余曰然然否否余向謂書院不得不遷又不敢輕遷者意蓋有在也安得以巖疆爲辭夫士風之振不振亦視乎學之力不力耳永之爲郡也

永順縣志

卷之二

學校志

書院

五五

建未百年境實四達涵五溪之靈秀分二酉之菁華繡谷拱於東南蒼巖峙於西北亦毓材之區也卽茲之所遷其地高明尊德性之符也其境幽邃盡精微之蘊也有力學者從此出焉吾知山川磅礴之氣鬱極則通相鼓相盪鵬程雲路未嘗不在瘴雨蠻煙間也然吾所期於都人士者毋甯惟是今夫士之所貴於學者在乎理欲之辨理欲之於人若道路然出於乎此則入乎彼造乎理者君子之歸也蹈於欲者小人之趨也董子云正其誼不謀其利明其道不計其功諸生於是亦惟行之乎仁義之途遊之乎詩書之源毋迷其途毋絕其源優之游之饜之飮之迨至割

垢磨光爬羅剔抉以人之傑符地之靈而科第也而
鼎甲也且處爲賢士必出爲名臣余所期於都人士
者端在斯乎端在斯乎

書院科費碑記 同治五年

永郡地素僻苦士子應本省鄉試者最少蓋自郡至省千餘里所需甚繁而舊設科舉費又不能多爲之助故寒士有終其身未曾入闈者今沐

府尊周 培植文風增廣科舉費以爲寒士觀光之資誠盛舉也 生等遵示刊碑並開支出入章程條款備載於後

一舊設科舉費錢一百千文文七武三久定成例每逢科場錢交殷實者帶至省垣始與分錢不得在本郡給發致有虛糜之弊

一同治二年所餘軍需銀四百八十兩四年蒙 府

永順縣志 卷之二

學校志

科費碑記

五十七

尊清出充入科舉費飭令置買田產每年分入租穀三十二石業載印簿

一同治五年蒙 府尊當堂發充董光宗錢一百千文以作科舉費委擇穩妥人承借週年二分行息合三年得息錢六十千文首事不得將此項別用亦不得當買田產如此二分利息人無不樂爲承借而科費且多有資倘未能借出責首事疲玩賠息錢二十千文

新增科舉費 府尊原爲培植文風起見凡文生逢子午卯酉科另發錢一百二十千文其餘留積以備

恩科之節

同治十二年清查科舉費田產附列於後

買松朵湖田五坵額租陸石伍斗

買藍涂氏勺哈田十七坵額租參拾肆石

買王天盛大壩拱橋邊田一坵額租伍石貳斗

當黃壽峯富坪田二坵額租參石

當熊天浩浦口田二坵額租伍石壹斗

當李官林龍洞坡田三坵額租陸石

當張大延牛欄沖田四坵額租貳石

東門內正街舖屋二間二進共租錢參拾陸千文

同治五年蒙發充董光宗錢壹百千文同治六年

前府尊黃撥歸同善堂應行開除

永順縣志 卷之二 學校志 科舉費 五十九

案科舉費向由府尊派紳經管光緒元年

府尊魏發縣查核以後由縣輪派是年

恩科知縣董耀焜以存項不敷捐廉發給錢壹百貳拾千

文又充罰外白砂草屋卓水田一坵額收租穀伍石

以裕科費

勸學箴

乾隆癸巳仲冬

李拔

還考彙編習聞前說不學面牆未行卽窒終日乾乾
入聖秘訣大道坦途昭然若揭禹惜寸陰孔編三絕
仲舒下帷龜山立雪豈不憚勞吾才必竭志氣振興
徑寸如結景仰高山睥睨邱垤德義存身煌煌大節
軌範稍違較然勿屑日用齋居毋近嫖褻必敬必戒
奉爲圭臬省察操存左提右挈罔克攸分聖狂各別
毫髮之間出堯入桀如守堅城勿開蟻穴紛擾糾纏
自尋羈縲玩物徇人窺陳盜竊苟且因循或作或輟
失足一朝萬端瓦裂何似斧柯早去萌榮明以審機
健以致決克己清心安貧守拙一步一趨追蹤往哲

永順縣志

卷之二

學校志

勸學

六

精益求精如磋如切渙泐聰明破除頑劣殫厥修來
憤樂更迭真意春融俗情消滅道岸誕登名賢比烈
凡我同人共爭皓潔毋曠青陽貽羞耄耋

試院 卽考棚

院在城南乾隆三年知縣徐正恩領帑建頭門儀門
大堂二堂上房併東西廂房及書役各房共四十餘
間東西號舍六間圍以牆道光十一年知府諸嘉杏
知縣秦廷杰修二十九年知府梁芸滋知縣裕麟重
修咸豐七年知府黃文琛知縣孫翹澤重修同治元
年知府彭慶鍾捐設雨棚其捐銀交後任知府張修府
知縣呂邦俊代建併修十二年六月大水概就傾圮
號舍蕩然無存知府魏式曾捐廉倡修檄飭永保龍
桑四縣協捐修復並增建號舍雨棚

設考棚學額部覆 雍正十二年

禮部等部會議得據該撫鍾 疏稱永順府屬自設
府分縣以來義學之設有年誦讀之聲不輟應試之
子不下千有餘名人文幾同內地學校在所當先等
語應如該撫所請於永順府城內設立考棚一所該
府准其添設教授一員所屬永保龍桑四縣各准其
添設訓導一員歲科兩試取進文童永順府學應准
其額設十二名所屬四縣學應准其各額設八名其
府學額數照例於所屬各縣內考取撥入該學政於
考試時照府縣各學額設之數憑文取進甯缺勿濫
武童三年一試應准其照文童額數取進毋得濫收

永順縣志

卷之二

學校志

學額

李二

至府縣各學廩增額數及出貢年分俟人文充盛之
日該撫會同該學政妥議具題到日再議又疏稱永
順縣有永定衛歸併戶口桑植縣有慈利縣歸併戶
口均有生童現附澧州考試今永順府既設考棚自
應各歸本籍考試酌定永桑二縣八名額內於永定
慈利歸併者各取二名其餘六名俱取土民不許永
慈兩處童生借此頂冒等語亦應如所請嗣後永定
衛慈利縣歸併戶口應試童生卽於永桑二縣額設
八名內各取二名云云

乾隆十三年題定府學設廩增十名四縣學各設廩
增六名候補廩十年後將初補之首廩食餼十二年

者府學准其兩年一貢縣學三年一貢其廩膳歲貢
花紅科舉盤纏會試長夫各項銀兩均照例動支

永順縣志

卷之二

學校志

學額
部覆

卒三

學額 附廩膳經費

雍正十二年題定

歲考取進文童八名武童八名

科考取進文童八名

廩生六名

增廣生六名

歲貢生三年一名

恩貢生每逢舉行 恩科之年一名

拔貢生十二年考取一名

廩生每名歲支廩糧銀二兩四錢膳夫銀六錢六分

乾隆十四年始於
藩庫請領支給

永順縣志 卷之二

學校志

學額

六十四

科舉盤纏銀一十六兩六錢 乾隆十四年始於
藩庫請領支給

會試長夫銀八兩 乾隆十四年始於
藩庫請領支給

歲貢花紅銀一十兩 於出貢之年
在藩庫請領支給

附錄 歷年加廣學額

嘉慶三年歲考文童加取三名 武原額

科考文童加取一名

嘉慶五年歲考文童加取三名 武原額

科考原額

道光元年歲考文武原額

科考文童加取三名

道光四年歲考文童加取三名 武原額

科考原額

咸豐元年歲考文章加取二名 武童加取二名

科考文章加取二名

咸豐三年歲考文章加取二名 武原額

科考原額

咸豐十年歲考文章加取一名 武童加取一名

科考原額

同治二年歲考文章加取四名 武童加取二名

科考文章加取一名

同治五年歲考文章加取二名 武童加取二名

科考文章加取二名

永順縣志

卷之二

學校志

學額

五

同治八年歲考文章加取三名 武童加取二名

科考文章加取二名

同治十一年歲考文章加取二名 武童加取二名

科考文章加取二名

光緒元年科考文章加取三名

義學

城內義學

今燬址存

老司城義學

勺哈義學

三處俱於雍正七年奉

部咨查設建每年由縣

具文共領藩庫銀四十八兩作館穀

富坪義學

夾樹坪義學雍正十三年知縣徐正恩捐建

李家坪義學乾隆十四年知縣陳朝圭移勺哈義學

於此又請將麻陽坪河內官魚潭歲收租稞給資

各義學膏火二十一年知縣吳紹俊稟請仍復勺

永順縣志 卷之二

學校志

義學

六十六

哈兼存李家坪合原詳設後捐設共六處

案麻陽坪河長四十餘里內有魚潭十餘處本係土司取魚之所後定網戶歲納稞銀十二兩

王村義學乾隆四十四年知縣丁應甲捐設

養正小學

在關帝廟右廂有額

登雲小學

在文昌宮右廂有額

二處俱道光二十九年知府梁芸滋捐錢二百千

文學官管理生息每年各給館師錢二十四千文

同治四年提歸書院每年各給館穀十二石

芹香小學咸豐八年知縣孫翹澤設於城隍廟內年

給館師錢十八千文由縣捐發後官因之

教訓苗人子弟札

乾隆十四年

湖南開

泰

照得楚南苗疆最爲緊要全在有地方之責者平日
留心善爲撫綏防範固所宜謹化導更所宜先有可
教之機則因其機而誘掖之有向化之漸則因其漸
而獎勸之如是久而不倦庶可望其觀感興起默化
潛移本部院欽承

恩命來撫是邦到任以後詳爲體察備知苗人習尙不同性
情靡定彼如漢奸之唆使兵役之擾累不可不嚴行
察禁以杜構衅生端而尤在經理有方使之沐浴於
詩書禮義之中徐改其桀驁頑劣之習查現在有苗
處所多已設立館師爲之董率苗人子弟亦間有讀

永順縣志

卷之二

學校志

訓苗人

子弟札

書寫字者然細訪苗疆各有司非不知留意拊循以
冀地方靜謐而於教訓苗人讀書一事或視爲儒術
迂疎不能認真辦理殊不知讀書可以變化氣質果
其料理得法自可聿觀厥效應令該地方官於苗人
子弟有讀書者時加查考不必求其文理優長但有
能寫字或能背書者除本人酌加獎勵外並將其父
兄就便量賞花紅當堂給發俾其知子弟讀書卽父
兄亦與有榮施將必父教其子兄勉其弟曉然於讀
書之足重而聞風興起可以由寡而眾由淺而深日
遷善而不知其館師之果否用心教讀亦應不時稽
查勤者獎之情者戒之毋任虛應故事總之苗雖愚

頑而彼既戴高履厚亦自具有良知若果出之以至誠惻怛之心事事體恤認真施教斷無不可以就治之理合行飭遵仰卽實力遵行慎無陽奉陰違始勤終怠仍於辦理獎賞之處詳細稟覆以憑查考至漢奸唆使兵役擾累等弊嚴飭力加察禁不得疎忽

又札

照得各屬有苗地方務須刻刻留心善爲經理不容稍有忽視如漢奸之唆使兵役之擾累固宜嚴行察禁而苗人子弟中有讀書者尤當酌賞其父兄俾各聞風興起庶爲因勢利導以冀默化潛移業經本部院札行該司移飭遵辦在案但思獎勸苗人原欲其

永順縣志

卷之二

學校志

訓苗人子弟札

六十八

漸知讀書則質性可以徐徐變化而於嘉獎之時若以淺近之詞將做人道理就近爲之指示自覺言者不煩而聽者易入於教化苗人之道更有實際再查苗人偶有爭角事件當時速爲解紛彼卽渙然冰釋如聽其輾轉不已往往至於結怨成仇遂生事端該地方官遇有苗人呈控幻案者其間或照苗例或照內地之例應卽查訊明白分別妥辦毋稍任意遲忽至漢奸唆使兵役擾累等事仍各嚴加察禁則苗疆要地將必日益就治以其享

盛世昇平之福矣

又札

照得各屬有苗地方向俱設立義學延請館師俾之
教讀本部院前經札司轉飭各屬設法獎勵原所重
在教之爲善因勢利導聊示羈縻之意而非以使苗
人能讀書遂爲理苗之急務也苗地首禁漢奸蓋防
其教誘爲非不安本分致滋事端倘僅知使之誦習
而不問其他浸假苗人中之黠者咸逞其智巧不且
可爲漢奸之所爲乎乃近據各屬文稟多未能體會
並有請以學租爲館師脩脯雖經節次批諭第恐奉
行猶有不善殊屬無益合再飭行嗣後苗人讀書止
可聽其自然相循無事不必有意勉強均毋違錯再
聞各屬義學所延館師每有學業荒陋師道不立慣
以教誘苗生結訟爲事此等須時加察訪一有其人
立即懲儆驅逐又苗疆荒地應聽苗人自爲經理不
得以地畝拋荒規目前之利容令民人承墾啟日後
爭衅輻輳不已至若嚴漢奸之唆使除兵役之擾累
更爲苗疆喫緊要務最宜時刻畱心認真查辦慎勿
疎忽

永順縣志卷二

武備志

兵可百年不用不可一日無備整軍經武邊鄙之要圖也

國家以文德綏遠人而仍以兵制相維用意至為深遠邑界永乾苗域曩為用武之區比年蜀匪黔氛烽煙甫靖莽蜂患其可忽諸志武備

駐防

塘汛

鋪遞

徵調

永順縣志

卷之二

武備志

目錄

七

兵事

駐防

雍正七年永順保靖分營詳定永順應設

副將一員

守備一員

千總二員

把總四員

撥調兵丁八百名後裁守備一員永順協營額設經制官六員詳請考拔外委六員乾隆二十六年協戎那蘭保詳准添設便委二員二十七年奉部議定以原設便委二員改為額外外委二員

城中駐劄

永順縣志

卷之二

武備志

駐防

七十一

副將一員

中軍都司一員

存城把總一員

外委把總一員

額外外委二員

縣境駐劄

王村駐防千總一員

鳳灘協防外委把總一員

旦武營駐防把總一員

土蠻坡協防外委把總一員

榔溪舊司治駐防把總一員

洗壩湖協防外委千總一員

乾隆二十八年詳准將存城外委把總移駐龍山縣
協防茨巖坪汛三十一年詳准將榔溪駐防把總移
駐萬民岡五十一年詳准將王家邨千總移駐存城
存城把總移駐王家邨

城內駐劄

副將一員

中軍都司一員

存城千總一員

額此外委二員

縣境駐劄

永順縣志

卷之二

武備志

駐防

七十二

王邨駐防把總一員

鳳灘協防外委把總一員

且武營駐防把總一員

土蠻坡協防外委把總一員

萬民岡駐防把總一員

洗壩湖協防外委千總一員

嘉慶二年裁本營且武營駐防外委把總一員土蠻
坡協防外委把總一員馬兵十五名守兵五十五名
撥歸新設之古丈坪營轄於提營標下

縣境駐劄

王村駐防把總一員

鳳灘協防外委把總一員

萬民岡駐防把總一員

洗壩湖協防外委一員

嘉慶三年移協防外委把總駐信坪鳳灘把總缺裁
咸豐四年土匪滋事辰沅永靖道翟 誥詳改駐防
把總駐劉家寨協防外委千總駐萬民岡洗壩湖千
總缺裁

今縣境駐劄

王村駐防把總一員

信坪協防外委把總一員

劉家寨駐防把總一員

萬民岡協防外委千總一員

塘汎

縣屬除古丈坪營塘汎歸提督管轄外餘歸永順協管轄

陸路

永甯塘

金魚塘

別些塘

虎坪塘

各兵五名

樹坪塘

捧嶺塘

夾坪塘

惹毛塘

各兵四名

勺哈塘

傍湖塘

兵各五名

小井塘

牛溪塘

喇集塘

兵各三名

萬岡汎

兵八名

洗壩湖汎

兵十名

巖門塘

顆砂塘

杉村塘

舊治塘

永順縣志

卷之二

武備志

塘汎

七十四

李家坪塘

細壩塘

兵各三名

庫坪塘

賀坪塘

龍關塘

麻坪塘

共二十五處

水路

王村汎

兵二十名

信坪汎

兵十五名

倚高坪塘

小村塘

博坡塘

田崗塘

王家崗塘

盃水塘

毛坪塘

水井塘

兵各五名

鳳灘塘

施溪塘

桑灘塘

兵各三名

以上四汎三十四塘水陸分屬俱照舊通志

劉家寨汎

咸豐五年復設

鋪遞

案雍正八年詳設各鋪召募鋪兵並無徭編永充名色乾隆二十一年驛道憲張詳定凡險路日夜例行九十六里府屬並無驛站遇緊要公文每縣設健夫二名日夜限行二百里送東路之辰陽驛馬遞前進蓋尋常則由鋪遞送去緊要公文則僱健夫由驛步踏起程也

步踏

王村步踏在縣東八十五里現設健夫四名
毛坪步踏在縣東百十五里現設健夫四名
高望界步踏在縣東百五十里現設健夫四名

永順縣志

卷之二

武備志

鋪遞

七十五

自本城東南至辰州府沅陵縣之葛竹溪鋪計一百七十里共十三鋪

本城鋪挂號鋪司一名鋪兵二名

東門外鋪鋪司二名

轍樹坪鋪鋪司二名

他砂鋪鋪司二名

巖弄溪鋪鋪司二名

倚窩坪鋪鋪司二名

小農邨鋪鋪司二名

楓香坪鋪鋪司二名

王村鋪鋪司二名

茅坪鋪鋪司二名

鐵匠鋪鋪司一名

高望水井鋪鋪司一名

焦坪鋪鋪司一名

自本城北至桑植縣之桐油鋪一百三十里共

七鋪

鈞磯巖鋪

穎砂鋪

車坪鋪

馬落鋪

九道水鋪

永順縣志

卷之二

武備志 鋪遞

七十六

挑柴鋪

巖屋鋪 以上鋪司各鋪二名

自本城西至龍山縣之農車鋪七十里共四鋪

戶坪鋪

勺哈鋪

大湖界鋪

傍湖鋪 以上鋪司各鋪二名

自本城西南至保靖縣之龍溪鋪七十五里共

四鋪

七溪鋪

時鐵湖鋪

惹毛鋪

六樹坪鋪 以上鋪司各鋪二名

由省公文遞保靖永綏者俱由沅陵遞王邨鋪
分遞自王邨起至保靖之白棲關四十五里共
三鋪

一盪水鋪

王家崗鋪

田家崗鋪 以上鋪司各鋪二名

問縣計三十一鋪原共設鋪司六十七名乾隆四年
奉 文將鐵匠鋪減鋪司一名撥叢樹坪將高望界
鋪減鋪司一名撥古丈坪將焦坪鋪減鋪司一名撥

永順縣志 卷之二

武備志

鋪遞

七十七

黃土坡縣冊現存六十四名

附校場

在城內為武營閱操公所道光二十一年
將惠慶建演武廳三間

徵調

康熙十年吳三桂叛踞辰龍關授永順宣慰使彭廷椿僞印廷椿繳之奉

旨賞其子宏海總兵銜令進剿宏海率土兵協剿有功授

宣慰司印

三十八年乾州苗殺虜官兵數百人把總郎得功陷馬參將朱紱會永保土兵剿之

四十八年鎮筵苗吳老吉等陷德勝營撫憲趙剿之永順宣慰使彭宏海從征有功

賜敕嘉獎

乾隆六十年雲貴總督福康安會湖廣總督福剿苗

永順縣志卷之二

武備志

徵調

七十六

永順土苗張廷仲請効力討賊先是廷仲與蕩寇苗石大貴攻殺九路營遊擊捕獲蒙釋令堵殺大貴以苗攻苗自是永保一路得資其力

乾隆六十年永順協慶溥千總張應宗宋吉如把總朱芝智黃文珍外委秦天位劉洪升朱炎帶領官軍奉調赴古丈坪龍山及湖北等處協剿苗匪教匪

咸豐元年調協營千總朱承先把總姜文元外委姚大典歐占魁帶兵赴永明縣防堵

二年調永順營把總黃士位外委馬上升宋顯仁帶兵赴永州防堵

二年又調永順營千總朱永貴把總易仁漢外委彭

開科帶兵赴省城防堵

三年調永順營千總姜文元把總宋士成帶兵赴省城防堵

四年調永順營把總黃士位外委石獻廷楚洪貴帶兵赴省城防堵

五年調永順營把總宋士成外委姜文魁董錫翔帶兵赴湖北防堵

十一年永順協張昕千總田士材宋士成雲騎尉姜南焜劉國鈞外委楊芳春帶領官軍赴龍山防堵

兵事

雍正四年桑植土司向國棟與容美永順茅岡各土司仇殺民不堪命

七年同知潘果備徵土目彭志文率黨圍其署旋擒治之

乾隆六十年苗寇乾州二月掠保靖瀘溪及縣境退踞永綏界六月官軍克爆木林抵古丈坪又克之賊走

咸豐四年土匪合桑植亂民滋事協憲愛率都司蔣培基督兵守城又撥兵赴桑植堵剿

十一年九月粵匪石達開陷來鳳圍龍山前知府張

永順縣志

卷之二

武備志

兵事

八十

會營赴援城防喫緊賊旋走辰州掠浦市縣境戒嚴巡撫調精捷營毅武營來縣隨卽趨王家邨會商進剿十一月賊退撤防

同治二年六月黔匪包毛仙約石黨李復猷下窺義從營奉檄馳縣與前知府張援龍山水順協陳調王家邨劉家寨及附城各汛兵防城龍城兵紮沙子坡前
任瑛又募勇分撥紳士黃日昇巡探把總彭肇賢守白樓關六品軍功羅祚禎守巖穴場外委席大忠守磨口初

巡撫聞邊有黔警卽調銳營和營軍赴援旣而蜀兵失利賊逼永綏境迨楚勇環集賊趨浦市旋復擾及

大保砦古丈坪告急縣境起團官軍進剿八月永綏
賊走撤防

